

南

社

業

刻

牙
建
上



南社叢刊

6



江蘇廣陵古籍刻印社

南社十七集目次

文五十五首

詩四百九十四首

詞一百三十二首

文錄總目

白 炎 二首

劉超武 一首

周 明 二首

林百舉 一首

謝華國 一首

林景行 一首

程善之一首

胡懷琛 一首

范光啓 二首

沈 礪 一首

周 斌 三首

戴德章 二首

顧 餘 一首

潘有猷 一首

潘普恩 一首

邵瑞彭 三首

徐世階 四首

劉去非 一首

曹鳳笙 二首

洪爲藩 一首

陸曾沂 一首

陳世宜 三首

李志宏 一首

吳清庠 一首

李壽銓 二首

張 素 三首

姜可生 二首

徐天復 一首

徐 夢 四首

汪文溥 五首

徐人勇 一首

徐思 一首

王文顯 一首

李春發 一首

耶 一首

姜何 一首

劉世宜 一首

李忠定 一首

吳南 一首

曹鳳臺 一首

趙微麟 一首

劉曾 一首

潘振遠 一首

潘世 一首

譚 一首

陳 一首

劉 一首

張 一首

許 一首

周 一首

周 一首

曹 一首

謝 一首

張 一首

林 一首

譚 一首

林 一首

白 一首

關 一首

關 一首

文獻

南社文錄

阿娜恨史序

宛平白 炎中壘

霧淞斂晨茶煙盪夕。麝塵不消蠶絲獨緒。羌龍骨之支離感蛾眉於謠詠。葉子中冷款關而入。手示一編。受而讀之。何其悱惻而芬馨。纏綿而哀豔耶。嗟夫。神州假擾英雄已無兒女之情。造物不仁才子偏與美人爲厄。翻盡鴛鴦譜。牒原非如意之珠。如何孔雀屏風不照同心之鏡。千尋恨海精衛之所難填。一角情天。媧皇之所未補。覽此悽然。可以怨矣。京口有華山畿者。名留樂府。地傍金焦。昔傳殉情。今聞埋玉。弔年年之寒食。一樹紅梨。望鬱鬱之宮斜。二分明月。過客摩挲碑碣。相與歎曰。此恨冢也。一死一生。可歌可泣。顧或謂人間天上。不交連理之枝。柯鼓瑟吹笙。別證有情之眷。屬若夢鳩生。或者其就薄也乎。不知留有用之身。士豈非爲知己。藉不刊之筆。後將有感斯文中。冷茲編猶生志也。溯其楹書勵學。藹弗知名。看雒下之羊車。爭誇仙骨。舞堂前之象勺。猶有童心。本

不知愁云何有恨。祇以門高王謝子弟自稱羅衣村號朱陳姻婭。豈皆華膺一自秋莼銀膾張翰初歸玉杵玄霜雲英未嫁五百年冤業萍梗相逢九日春光蕨蕤不鎖外家兄妹原無回避之猜嫌。上元夫人爲問起居而再拜。遂得朝朝暮暮我我卿卿。雖語不及私而情原有屬。弄梅騎竹况當嬉戲之年。問字說詩致極唱酬之樂。迺有少年同學作避席之深談。始知遺世佳人遇傾城於一顧。先是生之姑歸於某氏。姑有女字曰阿娜。元稹雙文戚郇皆稱中表。小姑三妹。隱詞每託伊人。會值春燈迎來油壁。掛厭則勝常。万道鉞錢而伺隙。頻窺玲瓏之骰子。拋時覆盆。窰數宛轉之玉鈎。送處隔坐溫磨。濯萬朵之紅葉。不足方其妍麗。擘千絲之碧藕。未能寫其聰明。中冷亦遂爲平視之劉楨。徘徊之崔護焉。姑夙務藻鑑。樂得英材。待擷芹香。始議嘉禮。旣而橋門璧水。催開及第之花。金屋瑤臺。將種合歡之草。固以爲右軍佳客。久踞胡牀。溫嶠老奴。早磨玉鏡。信良媒之可託。迨公子以同歸矣。豈意蘭茝斯馨而蕭艾雜其潔。鯉鵬欲化而魚

鳥。妬。其。高。罌。風。吹。墮。夫。華。鬢。羅。雲。蔽。虧。夫。皓。魄。求。全。之。毀。荆。棘。叢。於。門。庭。罔。極。
之。讒。萋。菲。甚。於。貝。錦。以。生。爲。戾。詎。不。節。非。千。里。之。家。駒。以。娜。爲。墨。尿。無。能。豈。雙。
栖。之。海。燕。人。之。多。言。伊。可。畏。也。母。也。天。只。謂。之。何。哉。宜。其。桐。樹。心。孤。金。風。易。感。
楓。林。淚。染。玉。露。先。摧。誰。憐。馮。女。伶。仃。重。照。西。湖。之。水。幸。謝。王。郎。天。壤。留。看。北。固。
之。山。乃。省。槐。黃。踏。之。期。已。鼎。藥。丹。還。之。候。璇。璣。罷。織。蘇。蕙。之。思。俱。枯。咳。唾。凝。冰。
夜。來。之。血。將。盡。生。填。胸。苑。結。舉。趾。僮。侗。誓。從。病。榻。以。扶。持。甘。任。親。闈。之。懼。選。娜。
聞。而。促。之。謂。暫。賡。驪。唱。詎。眞。蒲。柳。先。零。倘。竟。阻。鵬。飛。祇。合。參。苓。立。屏。詞。堅。若。石。
心。苦。於。冰。於。是。生。惘。惘。臨。歧。恩。悵。挾。策。過。江。名。士。莫。呼。其。牢。愁。走。馬。王。孫。羣。訝。
其。局。促。迨。至。晷。移。一。寸。燭。燼。三。條。鈴。語。依。稀。似。喚。兒。時。小。字。枕。函。轉。側。枉。牽。子。
夜。柔。腸。回。思。夢。幻。分。明。曾。驚。鶚。羽。應。是。鬼。神。來。告。不。爽。精。誠。秦。淮。之。月。子。初。圓。
石。城。之。鐘。聲。已。送。輕。催。六。鷁。近。鄉。怯。問。來。人。留。寄。雙。魚。剖。札。應。驚。執。友。蓋。其。里。
巷。停。驂。之。際。已。見。紙。灰。化。蝶。之。時。娜。神。早。遊。墟。身。將。就。木。臨。去。之。秋。波。轉。未。入。

懷之纖玉依然從前嬌喘輕聲悔疎領略到此千呼萬喚絕不聲應已矣哉屬
續淒涼真個香衾辜負添燈黶闇權教花燭相看痛莫痛於生離慘莫慘兮死
別波辰未久竟饕風虐雨之頻加過墜無加便入地生天而已晚嗚呼哀蟬落
葉誅筆酸辛賸粉殘脂畫圖省識縱或漢宮懷夢披帷如見延娟吳苑歸魂飄
烟而來紫玉究何補人天之缺陷也哉夫神仙之說匪出儒經而符籙之徵或
排哀緒蔓綠華無端下降示絮果與蘭因須菩提於意云何隔珊枝與翠羽所
以畧題靈鵲欲通青鳥於蓬山感兆趾離已悟春婆於瘴海以云前定其信然
耶方今漸漬歐風凌夷周制世法平等拾天竺之唾餘戀愛自由假羅蘭爲口
實不告父母誰爲靈脩則如是生之與娜善病王愁發情止禮護草焉樹竟同
非種之鋤女貞不彫各抱難言之隱茫茫終古飲恨何窮然而絕代仙姿不生
白髮千秋薄命例屬紅顏彼夫金鹿云亡傳哀辭之絕調玉簫早世成緣會于
他生歸切利天雖斷三生之石傳文字海長留五色之花得中冷張之娜亦可

雖死而不恨矣。是以風詩三百，欲刪好逑，淑女之章，請從世界大千，留爲慧業文人之鑒。

柳溪竹枝詞序

夫使筠蓮搗麝，微摩支之散辭，暈碧裁紅，草紆那之別體，付諸兒女，祇足云委巷囁囁，被之管絃，未可爭詞塲犖犖也。然而劉夢得善翻里曲，猶是九歌九辨之遺，王仲宣雅好新聲，更難巴人俞人之舞，樂府嗣響，寧不有茲。同社友周子芷畦，靈蛇握珠，雕龍刻楮，家在魏唐之側，人疑晉宋之間，栗里隱居，神超物外，輞川異境，畫入詩中，乃復稱河西之善謳，變淇右之習俗，于是有柳溪竹枝詞之作焉。其紀古昔也，夕陽斷碣，考文獻于當年；靈雨神旂，感蕭條兮異代。其紀名勝也，積翠之園荒矣，水竹三分，環碧之橋依然，烟波一片，其紀人物也，楊鐵厓舵樓吹笛，自寫靈襟，葉天寥畫閣焚香，早醒午夢，其紀風俗也，扮榆春社，弄簫鼓于中流，蘆荻秋墟，通魚蝦于小市，約分四類，略見一斑，事不越濡耳染目。

之常才已極。鬪角鈎心之妙。洵足補志乘而傳掌故矣。又况太白清平之調。七絕尤工。比紅宛轉之歌。百篇更續者乎。大抵山川鍾毓之奇地。以靈而人傑。士女豐昌之盛境。雖過而情留。不有高吟曷扶大雅。今日者桑田變海。玉壘飛雲。剩水殘山。落日下新亭之淚。蕤絲鱸膾。秋風興故國之思。但教老死田園。便爲佳士。何必馳驅塵堦。輕作勞人。玉樹庭花。子夜之繁聲。莫聽郊遊溪釣。兒時之舊夢。堪溫覽是篇者。其亦念鰥鵠之家山。而息鯢鰂于溟渤也哉。

與蔡寒瓊書

香山劉超武 姓施

寒瓊足下。疊奉雲章。藉聆雅誨。不勝欽遲。辱承藻飾。愧赧莫名。塵鞅羈身。致稽裁答。罪甚罪甚。神洲喪亂。國學凋零。人存巨君之謀士。獻公孫之字。幾不知文章氣節爲何物。南社諸子。怒焉憂之。徵文考獻。發潛幽。幽守闕抱殘。扶維名教。風雨雞鳴。既見君子。集思廣益。蔑遜古人。僕僂陋。塞附驥。奚當辱以介者。赦其德學不脩。飭填願書。俾訂盟好。復辱損書。令繕拙作。附刻社集。不擇細流量。

同河海。僕年來多故。舊稿荒蕪。零落殆盡。縱餘草率之作。豈當閱蒐。聞命之下。既感且慙。柳子分湖舊隱圖。復囑題詩。僕居社未久。匿蓬蒿杜老茅屋。屢歌秋風。萊子莞牆。想同逆旅。慙無妙句。敢咏旗亭。既承寵命。暇當勉強爲之。足下社中健者。梁鴻韻事。豔動人間。蘇軾文章。喧傳天下。湖山遊罷。嶺海樓遲。亮節高風。夙所欽佩。第以登龍有願。未逢瞻韓。用是率成俚句。聊表素懷。自愧不文。乞爲吟政。此覆敬頌。儼祉百益。劉超武拜手。錦囊附筆道候。丙辰人日。

春暉文社社選序

開平周明亮夫

士生季世。利祿中心。視道學爲糟糠。等廉恥爲泥塗。權門奔走。喪心病狂。蒿目當途。比比然矣。孰能於天下滔滔之秋。而斗室長吟。以文章養其天倪者。若或有之人。亦多目笑之矣。章實齋所謂江河日下。豪傑之士。從旣倒之狂瀾。欲障百川。而使東流。其不爲舉世所非笑。而指曰牽引爲言詞。何可得耶。嗚呼。其今日之謂歟。吾讀實齋之言。吾痛滋深矣。今者滄海橫流。晦盲塞三綱。淪而九

法。歎。禮。樂。崩。而。禽。獸。橫。人。類。生。機。幾。乎。息。矣。處。此。泯。棼。之。會。而。天。命。民。彝。何。所。寄。託。哉。然。天。之。未。喪。斯。文。也。必。有。畸。奇。之。士。伏。處。空。山。發。揮。大。義。卒。使。奸。雄。喪。膽。節。烈。流。芳。如。有。明。之。復。社。幾。社。者。是。其。證。也。張。子。年。銳。豪。雄。自。斂。利。祿。浮。雲。乃。以。春。暉。文。社。疾。呼。東。南。辛。苦。艱。難。幾。經。寒。暑。而。有。社。選。之。刊。嗚。呼。張。子。之。心。苦。矣。其。功。雖。未。敢。追。踪。復。社。幾。社。前。賢。然。亦。可。以。無。大。愧。矣。夫。輓。近。道。學。陵。夷。人。心。已。死。非。發。明。德。義。無。以。正。天。下。之。是。非。表。揚。忠。烈。無。以。挽。已。死。之。人。心。文。社。之。於。今。日。幾。乎。尙。矣。然。呂。留。良。曰。今。日。大。患。不。在。文。字。而。在。人。心。嗚。呼。今。日。之。人。心。又。何。如。也。故。吾。於。春。暉。文。社。選。之。刊。而。感。慨。系。之。然。則。張。四。維。發。潛。德。正。人。心。匪。異。人。任。責。在。吾。輩。矣。吾。願。吾。社。諸。賢。共。勉。焉。則。世。道。人。心。庶。有。多。乎。中。華。民。國。五。年。春。日。開。平。周。明。序。

雪鴻淚史序

天。地。不。仁。而。生。男。女。男。女。不。幸。而。有。愛。情。有。愛。情。而。男。女。以。死。其。死。之。者。非。愛。

情死之也。而天地不仁。有以死之也。夫天地不仁。而玩弄男女。使男女姻緣錯。誤年歲。參差境遇。橫困父母。梗阻以是。而男女愛情益深。以是而男女愛情益。苦。以是而男女以愛情以死。此男女也。此愛情也。無有而有。既有而無。顛倒萬。幻至人。莫測非天地不仁。冥爲玩弄。曷臻此而夢霞與梨影亦不過其一者。耳。夫夢霞與梨影一則爲人。士客一則羅敷。有夫本無愛情可言也。而夢霞與梨影竟有愛情。故吾謂其愛情也。非夢霞與梨影之愛情。蓋天地不仁。玩弄夢霞與梨影。以愛情而以愛情死。夢霞與梨影也。不然則夢霞與梨影何有愛情。縱有愛情。亦不當發生於梨影有夫子之後矣。夢霞靈味梨影自縛弗審。天地不仁。而相爭情愛。此夢霞與梨影所以不免於一死也。而梨影不悟。又牽筠倩而筠倩又死。是又梨影之過矣。嗚呼。天地不仁。好弄衆生。而衆生根器薄弱。難逃情網。此古今來情海蒼涼。所由令人惻惻而悲也。吾言夢霞與梨影。吾又不暇哀夢霞與梨影矣。嗚呼。夢霞嗚呼。梨影其奈天地不仁。何其奈天地不仁。

何開平周明序

黃先生穫農誄

梅縣林百舉一

夫自瀛寰棣通。歐風東漸。公司墟印。色變商戰。之談。託辣興美。譯尊大王之號。上不。敢以賤市籍。懲末作爲政下。不復以鄙駟僧恥。勢利爲高。蓋國度既異。鎖港人心。亦祛錮蔽矣。况陸沈於俗市。隱惟賢從吾所好。爲富而復能仁。得見善人生財。乃自有道。如黃先生穫農者。老於潮州之鹽商也。地未三徙。經營卅年。克儉克勤。時俯時仰。善奇贏之計算。信然諾於布言。儼膠鬲之流風。治陶朱之產業。初生詩禮之家。早廢蓼莪之什。篤孝傳於拾椹。俊茂稱於竹林。承歡不遠。萱堂叨廕。寧辭蔥肆及析薪之克荷。乃堂構之維新。諸父猶念推甘。雖別籍於南道。北道羣從盡加友愛。仍同居於東頭。西頭中年已膝繞芝蘭。眞不啻龍優虎劣。大兒曾手擷芹藻。衆爲驚鶴立雞羣。連延攀桂坊中。共軾干木之宅。傑起蟠龍橋畔。更增樊重之廬。衣錦歸來。戚里稱觴。而上壽開樽。好客曾孫入座而

傳呼此其生平具兼福德元寶定非凡目鮑瑗果見懸鞭誠未易得其一鱗猶
非能窺其全豹也緬彼芳規厥有數異鹽筴之繁治絲而棼岸引地歧權值時
改輕重偶崎公私交困獨詳利弊如析秋毫虛禮嵯司推風顧問是以政才屈
於小用歷山磽确河濱湍瀨世覓聖化鄉殊廉讓雞鶩爭食蝸觸啓鬪則創鹽
綱用免壘斷情通鮑叔盟等鄭桓是以義市庶幾良買持籌錢癖把卷書淫君
山之藏猗頓之積豪門珠履座有鴻儒鹽浦染輪車皆長者梅江太史五柳先
生投紵頻殷傾蓋有素澹定邨中亦時往來人境廬主尤相推許是以嗜學特
親儒雅抑能飲酒且解清譚觀時知幾明算合變續貂之貴恥作貲耶幕燕之
悲憂深杞國更弦變法興學儲材黨嫌弗畏羣盲力闢義方垂教責子獨嚴損
智常虞求師萬里是以識達可謂俊傑至於其餘繩繩謹愼汪汪大度睦族和
鄰解紛息訟振災施貧急公好義得勢益彰樂善不倦解驂指困豈讓先哲之
賢駕鼉刊道推及行人之惠則凡諸末節出自本懷夙有口碑可無罄竹矣春